



Broj: T18 0 KTK 0013722 19
Brčko, 18. novembar 2019. godine

Na osnovu člana 35. stav 2. tačka ž) i člana 226. stav 1. Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

DEJANE ITRIĆ ... rođena ... 1982. godine u Brčkom

Što je:

Dana 15.04.2014. godine u Brčkom, postupajući u svojstvu stručnog referenta za katastar u Pododjeljenju za katastarske knjige i arhiv Odjeljenja za javni registar Vlade Brčko distrikta BiH, prilikom rada na predmetu broj KAT.-29-001334/14, otvorenom po zahtjevu M. D. iz Brčkog za obnovu granica k.č. broj 733/1 k.o. Brezik od 01.04.2014. godine, nije postupila u skladu sa svojom obavezom da vodi računa o plaćanju naknada za izvršene usluge utvrđenom tačkom 3.10 Organizacionog plana Odjeljenja za javni registar Vlade Brčko distrikta BiH broj predmeta 05-001051/13, broj akta 01.1-0100DA-03/13 od 06.08.2013. godine, pa je, iako svjesna da je Odlukom o visini naknade za korištenje podataka premjera i katastra nepokretnosti i vršenje usluga broj predmeta 02-000124/13, broj akta 01.11-1031DS-21/13 od 10.07.2013. godine, Tarifnim brojem 19., tačkom 1) stav (1) propisana naknada za obnovu granica za parcelu površine do 30 ari – 300,00 KM, a za svaki sledeći ar po dodatnih 10,00 KM, a znajući da se u predmetu nalazi jedna uplatnice u iznosu od 150,00 KM od 01.04.2014. godine, i da bi u skladu sa navedenom Odlukom, visina novčane nadoknade za izvršenje opisane službene radnje trebala biti 300,00 KM, iskoristila svoje službeno ovlaštenje propisano tačkom 3.10 Organizacionog plana Odjeljenja za javni registar Vlade Brčko distrikta BiH broj predmeta 05-001051/13, broj akta 01.1-0100DA-03/13 od 06.08.2013. godine, postupila po navedenom zahtjevu, te sačinila Zapisnik o obnavljanju granica parcele od 15.04.2014. godine, čime je, na opisani način, preduzimanjem naprijed navedene službene radnje i pored manje plaćene novčane nadoknade od propisane za njeno izvršenje od strane podnosioca zahtjeva, prouzrokovala štetu Brčko distriktu BiH u iznosu od 150,00 KM, za koji iznos je M.D. pribavila imovinsku korist

dakle, kao službeno lice u Brčko distriktu BiH nije obavila svoju službenu dužnost čime je drugome pribavila imovinsku korist a Brčko distriktu BiH nanijela štetu

čime je počinila krivično djelo – Zloupotreba položaja ili ovlaštenja – iz člana 377. stav (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
